

TABULA 769. 770. 771.

STRELITZIA AUGUSTA.

PENTANDRIA MONOGYNIA.

CHAR: ESSENT: *Flos* spathaceus. *Corolla* bi-labiata, bi-uncialis. *Nectarium* bi-partitum, *Genitalia* obvolvens. *Stigmata* tria. *Capsula* trilocularis. *Musae*.

STRELITZIA *augusta*: THUNB. Scapo petiolis breviori, foliis oblongis amplissimis, petiolo brevioribus. LINN. *Syst. vegetabil. cur. SPRENGEL, Vol. I. p. 838.* ROEMER et SCHULTHEES *Syst. vegetabil. Vol. V. p. 594.*

HELICONIA *Bihai*: foliis nervosis reticulatis, basi attenuatis, nectario hastato libero. LINN. *Suppl. p. 157.*

Crescit ad Promontorium bonae spei. 4.

CAULIS simplex, vaginatus, crassitie brachii et ultra, pedes circiter 18 altus.

FOLIA petiolata erecta, vaginantia, lato-ovata tenuia, tenuissime et simpliciter nervosa, glabra, integra, pedalia et ultra.

PETIOLI teretes striati.

FLORES intra spatham plures, 12 circiter erecti, florentes primum basi, continuata florescentia sensim ad apicem, sessiles, intra spathae partiales.

Petala 2 superiora approximata, tertium inferius remotum, infra nectarium situm, ovato-lanceolata, acuminata, concava, integerrima, consimilia, aequalia, digitalia.

NECTARIUM diphylum, inter petala situm; *folium* superius, minimum concavum alterum amplexans, apice obtusum carinatum crassiusculum emarginatum unguiculare, inferius petalis paulo brevius, genitalia includens. *Carina* dorsalis sulcis quatuor, a medio ad apicem hastatum (sic), *alis* interne et superne marginibus elevatis, intra quas *Stamina* et *Pistillum*. *Filamenta* 5, filiformia alba, longitudine dimidia hastata. *Antherae* lineares longitudine hastae, eique longitudinaliter inprimis apice cohaerentes, albae. *Pollen* a latere antico album viscidum. *Germen* infra receptaculum. *Stylus* longitudine hastae filiformis albus. *Stigma* cylindraceum, viscosum, unguiculare, trifidum; extra apicem hastae exsertum, fuscum. *Capsula* sessilis in fundo spathae ovata, trigona, glabra, trivalvis, trilocularis. *Semina* subglobosa, columnae affixa, plurima alba, basi barba cincta. *Corolla* (et *Nectarium*) tota alba. *Spatha* horizontalis connivens, continens plures spathas partiales flores fructusque, multiflora, glabra. *Spathae* partiales flores fructusque cingentes concavae lanceolatae, acutae, bruneae, gelatina viscidae, albida vel sub-flava. Similis valde musae paradisiacae. RÖM. et SCHULT. l. c.

Ramus florens naturali magnitudine.

1. Flos et Spatha. 2. Folia radicalia. 3. Folium multo minus naturali magnitudine.